

I. N. D.

23

THESES OECONOMICÆ,

QUAS

*Consensu Ampliss. FACULT. Philos. in Reg.
Acad. Aboënsi,*

PRÆSIDE

DN. PETRO KALM,

S. S. Theol. Doct. Oecon. PROF. R. & O. nec non R.
Acad. Scient. Stockh. & Soc. Lit. Ups. MEMBRO.

PRO GRADU,

Publice vent landas sifit
CAROLUS JOH. FAGERSTROM
OSTROBOTNIENSIS.

IN AUD. MINOR. DIE 4 JULII ANNI 1769.

ABOÆ,


Impressit J. G. FRENCKELL.

THE
THEATRE
OF GOVERNMENT

BY JESSE KELLY
A NEW SCENE BOOK OF POLITICS AND POLITICAL ECONOMY.

CAROLINE'S LOST INNOCENCE

London: R. & J. DODSLEY.



THES. I.

Cœlum Septentrionale nunquam expositum est ejusmodi procellis, imbris, nec non aliis vehementioribus tempestatibus quibus meridionales gentes sæpius subsunt.

THES. II.

Oeconomiam privatam bene institutam, Republicæ perplurimam adferre utilitatem nemo inficiat ire potest.

THES. III.

Quocunque modo divisa fuerint regna, aut per bella tam externa quam civilia, aut per hereditates, aut etiam per donationes, sive alio modo, recte tamen affirmare videmus magna inde saepius sequi incommoda. Hinc enim, qui unius corporis civilis fuere membra, commisceantur saepe, &, cum cives antea unam venerati sint Majestatem, easdemque leges civiles actionum suarum normam habuerint, & eundem publicum finem, postmodum non raro haec omnia ipsis fiunt diversa.

THES. IV.

Diximus nuperrime, donationes etiam constitutere unum modum quo dividi solent Imperia. Observare autem licet, nostram non esse sententiam, debere omnes penitus e Republica exulare donationes, quin statuamus, prout verum est, neque quietem gentium sine armis, neque arma sine stipendiis, neque stipendia sine tributis haberri posse; ita posse quoque & debere Reges liberalitatem & munificentiam in cives exercere, qui bene de illis & republica sint meriti, vel vim argenti donando, vel feuda certis sub legibus concedendo.

THES. V.

THES. V.

Civitatem, quo populosiorem, eo tutiorem esse, contendimus. Summam enim DEI benedictionem esse subditorum multitudinem, ingenue atque aperte fatetur, Regum post homines natos sapientissimus Salomon, (1 Reg. 3, v. 8.) & suo docet testimonio, frequentiam populi Regem decorare & contra formidare, qui paucis est stipatus (Prov. 14, v. 28.)

THES. VI.

Maxime errant, qui statuunt, aliquod Regnum Politicum futurum fuisse, si primi parentes in statu integritatis permanissent.

THES. VII.

Studium insectorum maxime esse utile & necessarium neminem credo inficias iturum. Constat enim plurima insecta commodis hominum servire, quia varia illorum aut ad vicium & amictum, aut ad conservandam sanitatem, aut etiam ad alios usus Oeconomicos sunt utilia; damnis vero a variis insectis illatis, ignota ratione vita illorum, nunquam adhiberi potest medela.

THES. VIII.

Paucæ sunt Regiones, quas natura iisdem, locupletavit dotibus, quibus Patriam nostram; in superficie enim telluris inque interioribus ejus partibus, ea fere omnia, quæ nobis sunt necessaria, facile invenimus. Si vero dicas: Regiones meridionales habere multas prærogativas, quæ apud nos desiderantur; necessum est, addas: habent etiam magna incommoda, quibus contra nos caremus.

THES. IX.

Vitam rusticam antiquissimam & omnium felicissimam esse existimamus; Conducit enim hæc, teste Cicerone, ad sapientiam; neque quisque, qui amoenitatem & utilitatem vitæ Rusticæ degustaverit, negat, quin animus ad admittendam Sapientiam valde sit aptus, ubi liberior & magis sui juris est; talis autem est in agris.

THES. X.

Falsissimam; cum Columella, & a veritate procul abesse eorum sententiam, certum habeo, qui existimant, humi naturam quam primus ille mundi Geniter perpetua fertilitate donavit, quasi quodam

mor-

morbo sterilitate adfectam, & ubertate nimia prioris ævi defatigatam, velut hominem consenuisse, ideoque nequire pristina benignitate præbere mortali bus alimenta; intemperiem etiam cœli totam esse infœcunditatis causam; contra autem reor, hominum potius accidere vitio, qui rem rusticam pessime sœpe servorum & scientiarum ignaro dant,

THES. XI.

Plurimis aliis Oeconomiæ impedimentis merito ad numeramus legum contemptus; qui etjam in tota Republica maximas ciunt perturbationes, & impossibile puto, Oeconomiam nostram ex longo suo morbo refici antequam Cives unanimes, ad normam Legum tam Oeconomicarum, quam Politicarum actiones suas componere student.

THES. XII.

Peregrinationes Oeconomiæ nostræ multum utilitatis adferunt; variæ enim per has plantæ, quarum usus aut in medicina, aut arte tinctoria aut aliis partibus Oeconomiæ insignis est, quæque quotannis magno pretio ab exteris ad nos advehentur, sponte apud nos crescentes detectæ sunt; herba plurimæ utiliores in aliis orbis partibus, eodem fere

fere, quo nos, Climate gaudentibus; provenientes, ad nos introductæ; varia inventa Oeconomica, sæpe apud privatōs tam intra quam extra patriam latitania in lucem productæ; plura apud nos corpora utiliora, ad Regnum minerale pertinentia, inventa, ut alias utilitates silentio præteream.

THES. XIII.

Omni tempore tantæ dignitatis fuit agricultura, ut immunitatibus variis, securitati & fortunæ agricolarum, summi imperantes prospexerint. Felix est istud Regnum, cui natura concessit terram argis colendis idoneam; felicius vero, immo felicissimum, si incolæ profiteri possint, ne solum quidem plantæ esse incultum.

